



古320
544.2
:13

104
864
25



亦政堂重修宣和博古圖錄卷第十



卣三 二十器

周 一十九器

伯寶卣一 銘一十字

伯寶卣二 銘一十字

伯寶卣三 銘一十字

父乙卣 銘四字

州卣 銘一十二字

孫卣 銘一字

大中卣 銘六字

尹卣蓋 銘六十四字

夔龍卣

蟠夔卣一

蟠夔卣二

蟠夔卣三

饗饗卣

垂花卣

雷紋卣

方紋卣

魚紋方卣



四足卣一


四足卣二

漢 一器

四足卣

周伯寶卣一





蓋


器




伯作寶
尊彝


音釋同前

通蓋高六寸八分深四寸五分口徑長四寸
 一分闊二寸二分腹徑長五寸六分闊四寸
 五分容一升九合共重三斤有半兩耳有提
 梁蓋與器銘共一十字



周伯寶卣二





蓋


器




伯作寶

尊彝


音釋同前




通蓋高八寸深四寸八分口徑長三寸八分
 闊二寸六分腹徑長五寸三分闊四寸一分
 容二升四合共重四斤四兩有半兩耳有提
 梁蓋與器銘共一十字



周伯寶卣三





蓋

器



伯作寶

尊彝


音釋同前

通蓋高七寸二分深四寸四分口徑長二寸九分闊二寸二分腹徑長四寸五分闊三寸九分容一升七合共重三斤五兩兩耳有提梁蓋與器銘共一十字


右前一器蓋與脰腹於雷紋地隱起夔狀蓋之蒂復著一夔腹之兩面外其中為獸首足飾黃目提梁為絢紐耳作兩象首後二器腹皆純素惟蓋器之純緣與足作夔狀間以雷


紋提梁無文采而耳作獸首與前一器稍異然三器銘文皆曰伯作寶尊彝當是一時物且古之以官稱伯者有二焉曰侯伯此五等之爵也曰方伯連率則在五等之外所以率諸侯者蓋其為伯則宜有以作彝器以告于前人如作寶彝之類是也或以伯仲稱者或以其字稱者必有一於是也然是器乃卣而識曰作寶彝今所藏古器有鼎一彝一尊一

皆作寶尊彝為銘蓋先王之於器用未有不
 以常法為貴者也




周父乙卣






盖



中亞形
父乙

器





音釋
同前

右通盖高一尺一寸深八寸六分口徑長三寸一分闊三寸腹徑長六寸闊五寸九分容

四升七合共重七斤四兩兩耳有提梁蓋與
器銘共四字蓋與器足之上各為八蟠夔亦
周以連珠以雷紋間之蓋上又飾以兩獸以
夔首為提梁且有連鼻然而亞形中為父乙
字蓋有上而下為之亞有左而右為之亞言
乙則亞甲也析蓋古之姓氏如衛大夫析木
鉏是也析氏子孫仲軺者用作父乙卣則其
理明矣

周卣





盖



州作父乙寶彝

器






音釋同前

右通盖高六寸六分深四寸五分口徑長三寸九分闊三寸五分腹徑長六寸五分闊五寸八分容三升二合共重四斤十有二兩兩耳有提梁盖與器銘共一十二字曰州作父

乙寶彝按州出於來國之後以州為氏在晉
 有大夫州綽在衛有大夫州吁其為氏則一
 耳卣非庶人可有是乃當時公侯卿士世祿
 之家此所以以著姓言之也是器特以四鳳
 飾於蓋與器之上鳳之為物有其時則見非
 其時則隱其出處語默類有道者故翔於千
 仞則覽德而下九成之後則番然來儀然將
 以是飾之於器豈可非其所有而命之耶

周孫卣







孫

右通蓋高八寸深五寸六分口徑長三寸七
 分闊二寸九分腹徑長七寸一分闊五寸五
 分容四升共重五斤十有二兩兩耳有提梁
 銘一字曰孫狀尸形蓋孫可以為王父尸而

博古圖金 卷二十一
神依人而行託物而見則其視聽食息有足
以形容此古人所以事死如事生事亡如事
存其尸而祝之者蓋不逃乎此理是器特刻
其人形以銘之豈不欲其神之有依託歟
正祀神之器而盛裸也所以求神者得無推
其類哉古人作字象形蓋莫不有旨意耳


周大中卣





右高四寸五分深四寸口徑長三寸八分闊
 二寸八分腹徑長五寸闊四寸容二升重二
 斤一兩兩耳闕蓋有提梁銘六字曰大中作
 父丁尊大中當是父丁之子言丁者十日之
 號自商之君以是為紀而周亦有之商之器
 有父戊爵父己爵父庚爵父辛爵父癸爵父
 乙觚是皆以日為號也至於父丁爵招父丁
 爵父丁盃則又與此言父丁者同耳於周則

復有父乙鼎丁父禹是亦父丁之義蓋以類
 求之則於古庶不謬焉




周尹貞蓋



博古圖錄

卷十一

十七




惟十有二月王初祭旁
 唯還在周辰在庚申
 王飲西宮禧成釐尹錫臣
 亞形中唯燹揚尹休高對作
 父丙寶尊彝尹其亘萬
 年受乃永魯無競在
 服祀長侯其子孫寶用

右高三寸一分闊四寸一分長五寸三分重
 二斤有二兩銘六十四字獨一字湯滅不可
 攷按是器蓋尹休高對揚君命而作父丙寶
 尊彝也昔人作器未嘗不尊君命而謹其時
 日故曰惟十有二月王初祭旁又曰辰在庚
 申言旁者如書之言哉生魄旁死魄之類也
 言庚申則又指其日辰矣消日之設不獨用
 於祀事至於錫命造器罔不先此而况卣所


以格有廟昭功德以示臣子之孝可不謹其
始耶又曰尹其亘萬年受乃永則受讀當作
壽古人用字或如此示其理之所在是器之
蓋兩面狀饗饗作四觚稜如山形而屹起純
緣之上飾以八虺雷紋間之精製且古但其
器不存耳

周夔龍卣






右高七寸深五寸四分口徑長三寸五分闊
二寸八分腹徑長六寸七分闊五寸三分容
三升九合重四斤兩耳闕蓋有提梁無銘是
器純緣兩面并足間皆飾以四夔龍以雷紋
間之夫夔龍之起蟄正須以雷而雷之興苟
非其時則為害皆所以示其義於飲器提梁
作綯紐狀復示其繫維之理然則觀其器得
不求其象耶

周蟠夔卣一




周蟠夔卣二





周蟠夔卣三



前一器通蓋高六寸八分深四寸二分口徑長二寸九分闊二寸三分腹徑長四寸七分闊三寸七分容一升有半共重三斤五兩兩耳有提梁無銘


次一器通蓋高八寸二分深五寸七分口徑長三寸八分闊二寸九分腹徑長六寸六分闊五寸三分容三升八合共重七斤二兩兩耳有提梁無銘


後一器高六寸四分深五寸五分口徑長三寸八分闊二寸七分腹徑長六寸四分闊四寸九分容三升七合重四斤十有四兩兩耳關蓋有提梁無銘

右三器皆作蟠夔說文謂夔神魑也如龍一足蓋殘物之獸著之於器將以防患耳前一器純緣與蓋紋以八夔素其腹足提梁又為夔首要是舊物正如剞印追篆想見其歲月

之久非三代無此物也次一器器與蓋大抵與前器相類但蓋之頂偽為一龜置於上當是後人益之者以前器方之當真贗自判也後一器腹足純緣間皆作夔狀與雷紋間錯比前二器加華惟闕其蓋耳


周饗養卣






右通蓋高九寸三分深五寸六分口徑長三寸六分闊三寸三分腹徑長六寸七分闊五寸八分容四升一合共重八斤四兩兩耳有提梁無銘是器飾以饗饗之狀夫古之彝器未有不形諸饗饗者每以示飲食之戒而此卣乃祀神之器而亦復飾此者以人道而事神故也蓋鬱合鬯臭所以求神於幽其用之序盛之則有卣受之則有彝裸之則有瓚於


是彝器亦有象饗饗者其義可以類舉也




周垂花卣




右通蓋高六寸八分深四寸九分口徑長三寸七分闊二寸六分腹徑長六寸闊四寸三分容二升四合共重二斤十有三兩兩耳有提梁無銘是卣比它器特匾而小提梁作綯紐狀蓋之上設一爵柱柱之下環以蟠螭螭之外飾以垂花至於純緣圈足則以連珠周之而間以雷紋其下兩面各作饗饗起稜為介製作雖繁縟而中藏簡古意蓋周器宜有




此也





周雷紋卣






右通蓋高九寸五分深六寸八分口徑長三寸八分闊二寸八分腹徑長七寸八分闊五寸七分容五升共重九斤兩耳有提梁無銘是器蓋與器皆作方斜雷紋以連珠環之其提梁作綯紐狀且圈其足土花碧暈如藍田玉色然蓋瘞藏之久與土俱化良可寶者但無銘識以紀之當是以雷紋為義蓋古人字畫繪事各以見意非徒設耳


周方紋卣






右通蓋高九寸七分深五寸八分口徑長三寸七分闊三寸腹徑長七寸七分闊五寸三分容五升二合共重八斤四兩兩耳有提梁無銘夫卣寔尊之類耳故賈公彥謂卣為中尊而頂之上設爵柱柱之下作方紋周以連珠而純緣之下亦以方紋為飾兩面各設獸首兩耳作圈環與提梁相連腹間與圈足皆純素製作形模全與商父舉卣相類而無款

識殆亦周監商而有作焉




周魚紋方卣







右通蓋高一尺一寸四分深四寸三分口徑
長三寸五分闊二寸八分腹徑長五寸闊三
寸六分容二升六合共重七斤一十兩兩耳
有提梁無銘是器比諸卣特方而腹蓋四旁
皆作魚紋夫魚之性柔巽隱伏得其道則易
取失其道則難制故書傳以魚譬民且有天
下有一國有一家非得其民則何以為也以
魚狀其器則象其有得民之道有道以得民

則有是器也可無愧矣





周四足卣一





周四足卣二







前一器通蓋高六寸深三寸四分口徑長三寸七分闊二寸七分腹徑長五寸闊三寸七分容一升六合共重二斤六兩兩耳有提梁無銘後一器通蓋高五寸五分深三寸五分口徑長三寸八分闊三寸腹徑長四寸七分闊四寸容一升七合共重三斤一十一兩兩耳有提梁無銘

右二器形模若一而其足皆四蓋之兩端為

獸首旁附以翼雖歛而有展意自兩端視之
完然各一獸也按山海經所載異獸挾翅者
多矣有如狐之獾如魚之鱈如豹之蟲雕豺
之化蛇犬之鴉鼠之寓其形皆非此類是獸
之鼻昂然而起小類象形豈山澤之怪不可
得而攷者耶提梁作綯紐取其穿牛絡馬之
義後一器小異而蛟眉特隆盛頂柱稍銳要
之一類物也


漢四足卣





右通蓋高五寸九分深三寸五分口徑長三寸八分闊二寸八分腹徑長五寸五分闊四寸四分容一升五合共重二斤十有二兩兩耳四足有提梁無銘按此器似盃無流如卣有足然於卣為近故附於卣蓋古之彝器其致用則同而所以致飾取象則種種不一是卣又下著龜魚腹與蓋相合為獸形紋鏤奇巧宛若刻琢然擬之三代則已失其典雅矣

攷其時蓋漢器也



亦政堂重修宣和博古圖錄卷第十

